

شعر سوداني

شَهَقَة ريـــــــــد

(قُضَضَات وأَغْنِيَات للْحُب)

محمّد إسماعيل الرفاعي



تعديل من خلال WPS Office

مقدم-ه

ألا رحم الله الفنان الشامل الحبيب الشاعر الراحل المقيم الأخ الصديق الإ
نسان / عثمان أحمد سعيد أبو سوار فهو أول من أشار إليّ بضرورة جمع
ونشر فضفضات الفيسبوك التي درجت على نشرها بمواقع التواصل الإ
جتماعي (فيسبوك ، واتس آب إلخ) وهي عبارة عن كتابات مباشرة من
الرأس لـ (الكي بورد) من قبيل ما درج أهل الأدب الشعبي على تسميته بـ
القطع الأخضر .

وهـ انـ ذا أستجيب بعـد نصف عقـد ونـيـف لأجمع في هـذا السفـر
الموسـوم بـ (شهقة ريد) زهاء الستين فضفضة مطعمة بنصين من
النصوص التي أخذت حقها في المراجعة والإحكام (والكمال لله وحده) .
والشكر من بعد الله تعالى لأخي الحبيب أبو سوار الذي كان له فضل الإ
قتراح والإشارة ثم من بعده أتقدم بشكري أجزله لكل الأصدقاء والصديقات
بمواقع التواصل الإجتماعي الذين ما بخلوا يوماً بالدعم والسند والمعاوضة وا
لإرشاد والتوجيه . وجزيل شكري وعظيم امتناني لأستاذي وأخي الصديق
الشاعر الفطحل / أزهرى محمد علي الذي شرفني بتقديم (شهقة ريد)
للقاريء الكريم

أقدم (شهقة ريد) للقاريء الذواق عسى ولعل أن يجد ما يستحق الوقوف
عنده .

،،،، وآخر دعوانا أن الحمد لله رب العالمين ،،،،



محمد إسماعيل الرفاعي

درب الريده

قالو درب الريده قاسي
قلنا لازم نمشي فيهو
قالو نيل من غير مراسي
قلنا تب مقدور عليهو
قالو وجعتو شي أساسي
قلنا نحنا رضينا بيهو

الحلاوه الكل بريده
في البدايات دايره نار
والغزالات الطريده
ما بتصيدن بي الحجار
تبدو في الظاهر عنيده
ودايره زولا قلبو حار

إننا والمكتوب تريده
عادي يوم تتلاقو صدفه
حد مسافاتكم بعينه
كل ثانيه تزيدو عرفه
وتكتبو الاحساس قصيده
ويبقى ماضي الفرقه طرفه



قهقهه صوتك

إتخيلتك
ماشته علي أمشاط
رجلينك
حايمة تفتشي في
وجداني
ولما لقيتني رويحتك
قاعده
محكره في السموهو
جناني
اتبسمت
ضحكت
فرحت
وقهقهه صوتك
من أعماق النوم صحاني
وجيتك جاري
لقيتك قاعده
محكره فيني
وبي أحضان الشوق
ضاماني



وافر خصال

حرمان علي عيني تشوف
عينين سواك حت في الخيال
يا سيد هواي خلقوك براك
في صوره اقرب لي الكمال
حسنك بديع .. طبعك فريد
طيب أصول وافر خصال
لامي الصفات اخلاق ودين
وأساس متين آية جمال
حرمان علي عيني تشوف
عينين سواك حت في الخيال
ربي الكريم لماني بيك
وزرع جواي بذرة وفا
قلبي الرهيف يوم حنى ليك
وصلتو حد الإكتفا
ريده وحنان جنة أمان
طيبة جنان ينبوع صفا
وحرمان علي عيني تشوف
عينين سواك حت في الخيال
في الدنيا ماشايف سواك
لا داير اشوف غيرك هوى
بتمنى في الدنيا العبوس
نحيا ونعيش دايم سوا



لو يوم صبح في الريد عليل
بلسم هواك نعم الدوا
وحرمان علي عيني تشوف
عينين سواك حت في الخيال

2018/ 2 /3م

زولي الأثير

(تاريني ما مُعجَبْ بَراي
يا سيدي كل الناس معاي)*
ماسكين سَبَحْ ريدك عدد
عازفين غناكا كمان وناي
ختوكا في حَدَق العيون
وإتباهو بي سِرَتِكَ عشاي
من كلُ سحنه وكلُ لون
شقيش تقِيل جاي وجاي
تاريني ما مُعجَبْ بَراي
حَدْ ما مشيت بلقاكا في
على كل لسان يتحاكو بيك
سيرتك تفوح بين الدروب
وتهاتي بي لحظة مجيك
شوف عيني حت طوب الأرض
برقص علي خطوة مشيك
يا زول موهَط في القلوب
أرواحنا ما غاليات عليك
تاريني ما مُعجَبْ بَراي
الشايفو بي عَنِّي كثير
والسامعو فات حد الخيال
يا نجمنا السامي المثنير
يا الفّي الوجود ما ليك مثال
أرجوكا يا زولي الأثير
أعذرني في هذا المقال



أنا غايتو من حالك بغير
والكاتمو فوق الإحتمال
تارينني ما مُعْجَبْ بَراي

*المطلع للأخ الشاعر الإعلامي الحبيب / عبده عجيب

2021/2/2

روعه

جد ما غريب
إنك تكون بي الروعه دي
ما الروعه أصلا حقتك
منك دوام هي بتبدي
نفس التقاسيم والقوام
والبسمه والخذ الندي
اتقدلت زيك تمام
حلفت تشابهك يا جدي
وجد ما غريب
إنك تكون بي الروعه دي
عودتني وصعب الفطام
يوماتي بتهبهب نسيم
اسعد وأكون في حضرتك
يا غاية السعد الوسيم
أسرني طبعك وبسمتك
يا الفي الفؤاد ساكن مقيم
جد ما غريب
أنك تكون بي الروعه دي
مرات بشوفك زي حلم
في الطيبه يا سمح الخصال
أسرح واتوه في روعتك
هيمنان وغالبني المقال
لامن افوق من سكرتك
انا حالي بغني عن السؤال
وجد ما غريب
إنك
تكون



بي الروعه دي

21 أكتوبر 2016 من وحي تعليق على نص تومي عطرأوي.

الفات رشاش

الشلتو من الهم تقيل
لا فات ولا حتى انبلع
باين علي قلبي العليل
بي خلب الريد انخدع
ضيعني زي ما ضاع شليل
وراني في الدنيا البدع
كم مره لجمت اللسان
منعتو من أخ الوجع

الليله غافلني ونطق
فكاها عقد القول صدع
قال ليك كلام ما بعدو قول
اتمطى قدر المتسع
مش قالو ليك اهلك زمان
إتحاشى يا زول الطمع
لانو معروف يا جميل
في الزايله ودر ما جمع

داب انت ما قدر الكلام
مالك؟ مشيت درب الهوى
وداب اصلو ما عندك سهام
إيه فايده احلامنا السوا
وريني يا خلي العزيز
داويهو قلبي الانكوى
وانا اصلي من قمت وربيت



ما ضل قلبي ولا غوى

فترت مليت من سماع
اعذار هروب من غير عدد
وزهجت حد بالي الطويل
والعله ظهرت في الجسد
ما كنتا فاكراك يا نبيل
واهن ضعيف مليان عقد
وين ما تميل الريح تميل
والشده ما بتلقاك اشد
الدنيا اكبر مدرسه
وما ف زول بيتعلم بلاش
انا غايتو خضت التجربه
الودتني غرفة انتعاش
نفعت قليبى اللسه حي
ورجعت لي الواقع المعاش
قويه ما بيتخاف علي
وحسبت كل الفات رشاش

2020/11/31



كلو بي اوانو

البياباك وإنتا أغبش
اوعا تتمسح عشانو
والبيعمل فيها اطرش
اوعا تصرخ في أضانو
البيجهل يوم حنانك
ما تأمل في حنانو
والبخون العشره خاسر
اوعا ما تغرك جنانو
عيش حياتك بي مزاجك
وكل شيتا بي أوانو
فالبعيش بي حظو راضي
هو البكون سلطان زمانو
ارضى بي المقسومه واقبل
شان رضي المقسوم عباده
التصيبك ما تنقنق
كيف تنقنق في الإراده
ما يفت توبيخ عزيمتك
واوعا تبطرك الإشاده
أنفق الاموال تصدق
تلقى مالك في زياده
اخلص النيه وتوكل
ما تكون الصدقه عاده
وما تقول أيا منا واحد
وكلها الأفلام معاده
العرس في أصلو قسمه
لاهو فلهوه لا شطاره



والقرش مقسوم من الله
لاكفاءه ولا جداره
أعظم النيران تصدق
مبدي بي حبة شراره
والبيوقد نار تشعل
بكره يدخل في مداره
والبيشتل حولو طيبه
برضو بنعم بي ثماره
بالسماح يرويها تكبر
وينعم الكل بازدهاره

9/2/2017



قوقاي قماري

لو .. وريتنا إتك جاي..
كنا من الأرض شلناك
وكان .. دلينا ليك نجمات
في طرف الحله تستناك
مفوضه من قمر دورين
عشان تلقاك وتترجأك
أكان تديها شعله ضو
تقرب من تحاكي ضياك

ولو وريتنا إتك جاي
كان كل الفريق يتلم
يعزف ليك نغيمة الناي
يقيف طابور حرس شرفك
قماري الروض تسو قوقاي
جموع شعرا البلد جملة
يلاقوك بي غنا ودباي

ولو رويتنا إتك جاي
كنا بنينا ليكا صروح
وكان وجه العبوس ينفر
تصفلك بلابل الدوح
وكت كل اليباس يخضر
وغيمات السما تحييك



وتبقى مظلّه من الحر
دحين يا غالي بركه الجيت
وبيك صبح الوجود أنضر

(فضفضة نهاريّة مجارة لأخي الصديق الشاعر الإعلامي / عبده عجيب في نصّه الذي قرأه لي عبر الهاتف)

2017/ 1/23م

مالك ومالي؟

صدق إني خلاص نسيّتك
شلت صورتك من خيالي
سيب طريقي وأبقى مارق
وأوع تحلم بي وصالي
لو زمان غبيت هويتك
هسي راضي بيهو حالي
تاني ما بطراها سيرتك
فوت خلاص مالك ومالي؟
وصدق إني خلاص نسيّتك !
لو زمان اللقيا دور
والتقيتك ألف مره
تلقى قلبي بلاك تدور
شان حياتي معاكا مرة
في اتجاهك صار مسور
ما بيعيد الكرة مرة
والجرح جواهو غور
كيف يعود تسقيهو مرة
وصدق إني خلاص نسيّتك !
لو اعود من تاني راجع
أبقي أصلا ماني ياني
أو أكون عاودت يافع
ولا واحد غيري تاني
شان احن وارخي المسامع
وزيفك انتا يخش أضاني



يا الهواك خلف مدامع
كيف اعود لهواكا ثاني؟
صدق إنني خلاص نسيتهك

2017 /9 /3

حبيبتي القصيده

حبيبتي القصيده
الشديده وبريده
وبموت في عيونه
الغزاله الطريده
وبدوزن نشيده
اردد واعيده
واكرر حكاوي
وادوزن غناوي
واغازل خدوده
التشابه القوافي
تبق الحريقه
وانادي المطافي
ودكاتره مشافي
بتمرق الحقيقه
توقف نزيف
الدموع الرقيقه
حروفي المشاتره
ويقيفو الدكاتره
عيونن مساهره
وبيلمع بريقه
ف شيوخ الخلاوي
البيحكو الحكاوي
ويغنو الغناوي
يكون جيبني خاوي



وبكاجر والاوي
اقول بس دقيقه
وبمرق الحقيقه
المؤكد عميقه
بحب القصيده
واموت في القصيده
وعيون القصيده
المستف رصيده

2019/ 3 /14

خايف عليك

ت

خايف عليك مِني!
إتدسِّي في جواي
يا اغلى من دمِّي
يا القاعده فيني معاي
يا دندنة روعي
يا عازفه فيني الناي
أديني وهج الروح
بديكي كل أعضاي
وارحل معاك للقيف
ويصبح هواك مرساي
أو

همبريب في الصيف
داعب نسيمو حشاي
زي وشوشة دوبيت
يا لحن من شاشاي
يا رقصة المردوم
نضمك حنين هداي
يا سارقه مني النوم
أنا بس ... بحبك ساي

2013/ 4/14



حليب الدهشه

لَسَّعْ مُصِرَّ
إِتْكَ تَكُون
زول من حليب الدهشه
في زمن الغياب
إنتا الحضور وحدك براك
متوضي بي موية التسامح
والسماح
تقدر علي طول البراح
تهدينا ألوان من بهاك
تمرقنا من نص الضباب
تغسل سواد شوف العيون ؟
ولسَّعْ مُصِرَّ
رغم الضلالات والضلام
إنك تشع في الساحه نور
تبقالنا في الزمن الغلط ترياق وسور
يحجبنا عن لجج الأسف
الفيها كم ألسن تجر
قولا " ملان أوهام وزور
كل ما تكش ارجلنا ليك
بتمد براك أمن الجسور
يازول جسور لسَّعْ مُصِرَّ
إنو الزمن مليان جمال
وإنو السعاده ولا بتكون



محصوره في أملاك ومال
وإنو البشر مجبول
عليهو الإحتمال
ما بهدو طغيان لا ظلم
مهما وصل بيهو المآل
ويازول براك
لسع مَصِر ؟

8 / 2 / 2015

شهقة ريد

بفرق معاك
إنتَ ف شنو ؟
لو جيتني واضح كالشمش
رديت وما ضاريت علي
قبال أفوت منك وأمش
الذي ما بيقبل ضباب
فسراع بسبيك وينكمش
لو كنت جد واضح معاي
أنا كت بشيلك في الرمش
ويفرق معاك إنتَ ف شنو ؟
لو كان قرئت نظراتي ليك
وفهمتها
وخليته تتفاعل جواك
وهضمتها
واتسربت فيك اكسجين
او زاحمت شريان دماك
وزفرتها
ادتني شهقة ريد عفيف
ونظمتها مقطع شعر
وأهديتو ليك رجعتو لي
زفرة عشق
ويفرق معاك إنتَ ف شنو ؟
لو سبت عينيك لي كتاب
قلبت صفحاتو وقرئت نظرات هواكا سطر .. سطر
غنيتة ليك وعزفتها



مقطوعه طولت العمر
أو عشتا لي وأنا عشت ليك يوم عشت بيك
يا النظره ليك تسعد تسر
ويفرق معاك إنت ف شنو ؟

2018/1/1

أنا المحظوظ

بكحل عيني بي شوفتك
واتنقس زفيرك ريد
يضج كون العشق فرحان
اعيش فرحة صباح العيد
اقالط طرفك النعسان
قبل ما الإيد تلاقي الإيد
وأكحل عيني بي شوفتك
بتنسّم عبير شوفتك
قبل ما طلعتك تظهر
اقارنك بي الشفق والفاك
يمين في طلعتك أنضر
اقول ياستي ما ابهاك
معاك يبقى اليباب مخضر
واكحل عيني بي شوفتك
إذا اصلو الحكايه حظوظ
أكيد الحظ وقف عندي
وراي أنا مافي زول محظوظ
ولا القبالي لـان ندي
قدر ما يبقى جبل الريد
مستف بي الأمل مدي
واكحل عيني بي شوفتك
إذا اصلو الحكايه حظوظ
أكيد الحظ وقف عندي
وراي أنا مافي زول محظوظ
ولا القبالي لـان ندي



قدر ما يبقى حبل الريد
مستف بي الأمل مدي
واكحل عيني بي شوفتك

2019/ 10/ 26

هواي.. ريدك

(بشوفك في عيون الناس
وفي عينيك بشوف نفسي)*
قدر ما تبقي مني بعيد
بحسك ساري في نفسي
ادندن بي الفرحة غنوات
حروف إسمك تكون جرس
أناغم في هواك بشويش
واخاف لو يزعجك همسي
بكون في حضرتك درويش
معاك يا الفيني مندسي
لا فارقت ود العين
ولا بتغرب عليك شمسي
ياك مستقبلي المنشود
وياك الليلة ياك أمسي
وياك حارسي الأمين وهميم
فارس أحلامي يا عسسي
ولو في يوم غشانا البين
فوا مأساتي وا بؤسي
تكون حتما قبرت الروح
بقيت في جتتي ومغسي

*المطلع للأخت الشاعرة أ. سميه علي عبد الرازق



جیوش الأمیره

فیالق عیونه البتفرض
شروط الجیوش البتغزو
وتحقق مناله
وتقول الهروب
من قواها استحاله
تبخلق تحدد تصيبك سهامه
وتسلم زمامك برغم البسالة
وتواجه مصيرك
تناغم نصيرك
تلاقيهم راضخ لست الجلاله
ومحكر جواها برضاها
سعيد بي هواها
يهيم بي الغزاله ويغازل دلاله
تصادفو البسيمه التزلزل دواخلو
تلعنم لسانو ويغيب تماما
يغيب في دواخلو
وبينضح جبينو ويبخلق.. يعاين بقدر احتمالو
وتذوب المسافه
بقدر ارتفاع القوام المجدول
وحاجبو المكحل بلون الطبيعه
قواك الصريعه
بتسلم زمامه وتعلن تمام انحيازه
وملاذه لجيش الاميره
وتربط مصير الغرام بي مصيره
وتعلن براها الخضوع
للأميره

المليكة ف زمانه
وبذات الرزانه
بتدندن أميره التضمّد جراحك
بطول الضفيره
وعاج إبتسامه السنون
المنيره يوشوش دواخلك
رياشه وحريره

وتتوج أميرتك في كونك أميره
كأنك بتحلم في أحلام سعيده
وتحنس دواخلك تنوم تستعيده
ودواخلك تعاند
تقول القصيده التغازل أميرة
الخصال الحميده
المكمل جماله وسماتو الفريده
ومساحتو بتفتّر خيول القصائد
وفيها المصايد الجريئه وبريئه
البتجبر مشاعرك مؤكّد تريده
وتخش في بريده
وتبرد مفاصلك تقوم بي الجلاله
وهروبك محال حين تصادفك أميره
وتخش في دواخلك
تسيير مسيره وتملّكا حيره
تتوه في عيونه ورموشه الكحيله
قوامه المجدول حرير الضفيره
خصيره المخنق نعومة حريره
براهن بقولن معاك الأميره

2021/ 1 /9



XXI

تعديل من خلال WPS Office

شايك في خاطر

بتدوري الجد ولا الجمبو؟
أنا لي ساعات ماسك السيره
ما بيني وبينك وبين الشوق
حاجات جد بصعب تفسيره
شايلاي وشايك في خاطر
في التو واللحظه وما غيره
وبتدوري الجد ولا الجمبو؟
ما شفتك ويومي بتلاقي
ونقد نتسامر بي الساعات
الونسه تكون حلوه دقاقه
وانا ساهي مبخلق في الوجنات
نسكر في نشوه ونتساقى
وما بقدر أفصل في الحاجات
وبتدوري الجد ولا الجمبو؟
ما شفتك وصورتك محفوره
دايما متحركه وجداني
اصلو الاقدار المسطوره
خلتني ادوزن ألحاني
وانا شايك قطعة بلوره
بلسم افراح راقى وحاني
وبتدوري الجد ولا الجمبو؟

2020/11/28



غلطان انا

غلطان انا الجيتك
شكرو الدرب راحل لي
اصبحت ما واعي
يوم جيت وبي كرعي
اصلو القدر معلوم
والحي بلاقي الحي
غلطان انا الجيتك
لو الزمن جار بي
مالي غير صبري
ولو يوم ضربت الصي
واصبح أساي حصري
ما بلوم سوا نفسي
الودتني لي قبري
غلطان انا الجيتك
غشاني فيك سراب
واصبحتا فيك مكلوم
سهم الدردار صاب
خلاني بيك مهموم
المؤمن أصلو مصاب
والغفله ما بتدوم
غلطان انا الجيتك

*من وحي محادثة مع الفنان / خالد عبد الله بخيت (خالد بصريات)

2020/11/6



XXIII

تعديل من خلال WPS Office

ماعندي ليك حاجه

نفضت طرفي زمان
لو ليك عشم فيني
يا زول اكيد وهمان
أنساهو تب حني
وأنسى القديم الكان
هاك القرار مني
ما عندي ليك حاجه
الريد أساسو متين
بس إنتا ما صنتو
شان عارفو قلبي حنين
في روجو محنتو
ختيتو بين نارين
بي القسوه كفتتو
وقال ليكا يا مسكين
ما عندي ليك حاجه
اصلو الاضان مرات
تنجرا قبل العين
في الريده في الهفوات
حين يخدع التلحين
تتلخبط الحاجات
والغث تشوفو سمين
وانا ردي في كلمات
ماعندي ليك حاجه
فوت يلا اختاني
خروج بدون عوده



ما بحن عليك ثاني
وانا سككي مسدوده
ولي الببدأ و الجاني
كلماتي محدوده
ما عندي ليك حاجه

ما پستسمحك !

أنا غايتو ما بتذل لي-ك
أدق جرس وإستسمحك
خلاصة الق-ول الم-في-د
ياسيدي ربك ي-صلح-ك
زي ما بتدين بكره بتدان
والبقى فيك يا هو المحك
وأنا غايتو ما بستسمحك
القلت ليك يا هو الحصل
ما عندي حاج-ه أدستها
ومفروض إذا صدق الشعور
يا حبي-ي إنت ت-حسها
وبي المره ما تحتاج كلام
حت لو لس-ان القول س-ها
وأنا غايتو ما بستسمحك
الدين يا ضيق-ه وكل ي-وم
في الزاي-ل-ه نتعل-م درس
ومعروفه من خلقو الأرض
الليله ما زي ي-وم أمس
والعاش كتير حاشوف كتير
أوعاه-ا قب-ال ت-ت-ل-ح-س
وأنا غايتو ما پستسمحك

2020/11/14



XXV

تعديل من خلال WPS Office

قدح الدبكر

ياها دي الجريف
ولامن نقول ليك الجريف
يبقى الكلام ذاتو انتهى
شان هي المرام والمشتتهى
فيها الغضنفر ، والمها
وما فيها يوم .. عزما وهى
شان هي الجريف
يا خلي سدره منتهى
من الحجيرات لي الحجر
بي غيرها ماف زول إلهى
وياها دي الجريف
ممکن تبیت یومی القوی
لکین بتفرح وتنتشی
وکتین یقیف قدامها ضیف
بی سرعه بی الموجود تجود
بی الدبکر الماعندو قیف
شان فی الکرم فایتہ الحدود
وإیأهو میراث الجدود
والزاره یوم .. لابد یعود
وياها دي الجريف
ممکن تكون مجروحہ صح
تلقاها ممکونه وتوح
لکنها..



من حنّها..
عارفّتها..
ضماده بتوقف نزيّف
عاشت عقود أيامه حُبّ
بي قلبها الناصع نضيف
وانا شن أضيف؟
من يوم حُظيت بي ودّها
فد لحظه ما حسيتني ضيف
ويا سعدي بي الضلّ الوريف
وياها دي الجريف
بس..

أوعا من غضب الحليم
الخلّو ما بتزهج تضيق
النقطه من تالت الحروف
بتنطّ علي الحرف الآخير
وتبقّ حريق
وفي اللحظه ديك..
بس وين تطير
ما بينفع الحل الفطير
لو كت غفير..

أو
كت مدير..
أو
كت وزير..
بي ياتو قوّه بتستجير؟
مهما يكون..
ما بتختمل نار السعير!
وياها دي الجريف
بنوته وارثات الأدب
والحشمه في الزمن الصعب
وشبابه باقين السبب
في الحاره حد السيف بقيف
وياها دي الجريف
كم شمّروا الساعد بنوا



كم شادوا .. داووا .. وحصنوا
عمر الزهور في الخير قنوا
وما اتضاروا قالوا .. الدنيا سيف
وياها دي الجريف
طوالي متكاتفين سوا
لي العله باقين الدوا
الكان قريب والكان توى
بيفضي جيبو وما حوى
وما بقول .. أعيش يوم بكره كيف ؟
وياها دي الجريف
في الكوره ياما ليها باع
في الشده تلقاها الضراع
يوت في العلوم ورقه ويراع
مركب أدب .. فاردته الشراع
قصه وشعر .. بيو نفتخر
مسرح فنون .. من كل لون
والما غرف من حنّها
أو
حتى قرب منها
يا اخوي عدييل ..
ثض غمرو ضاع
وياها دي الجريف

2017 / 9 / 22



فرصه ثانيه

أدي نفسك ثاني فرصه
وشوفي روحك بي عيوني
ويكفي إنك تطري لحظة
يوم عيونك جهجهوني
وشفته فيك الكون بيضحك
وبي ابتسامتك زاد جنوني
وأدي نفسك ثاني فرصه
الجمال الفي الخلايق
ياكي أصلو ومبتداهو
القمر في علاه انضر
وإنتي ياك منبع بهاو
من ملامحك شالو لمح
ومن ضياك ماخذ ضياهو
وأدي نفسك ثاني فرصه
عايني بي عيني بتشوفي
الزمان كان خافي عنك
انسي روحك حين تطوفي
تلقي كل الروعه منك
والجمال الفي حروفي
كان مداد اقلامو دنك
وأدي نفسك ثاني فرصه

2020/ 9 /22



XXIX

تعديل من خلال WPS Office

إتفسّحي

إتفسّحي
وما تفسّحي
ما تخلي زول
يملا الفراغ
كل البراحات حقتك
أملها ريد واتفسّحي
مفروش طريقك بالورود
معطون مسك
ريحان وعود
يلاك
نلم باقي الوعود
نبني لنا عُشّه من العهود
نرجى الفرج من ربنا
وندعو هو بالبركات وجود
بس إنتي
يلا اتفسّحي
واملي البراحات حقتك
عبيها ريد واتفسّحي

2013/ 5/ 26



XXX

تعديل من خلال WPS Office

العيد بلاك

العيد بلاك شين طعمو بس
دمع المآقي طفح جوأي
وحلقي المهجس
بي لقاك جف ويبس
وانا ما بدس
اللوچه فيني كما الجرس
وما بدفن الشجن الأليم
أفتحلو طاقه ويتحبس
انا أصلي بس
ما ضقت في العيد السرور
لاضي محاسنك انبجس
ويا عيد دحين
وين اللي كان في دني تي
تريان معطن بالحلا
تحلف تقول عجوة محس
وانا ما بدس
اللوچه فيني كما الجرس
وما بدفن الشجن الأليم
أفتحلو طاقه ويتحبس

2012/ 10/ 16



XXXI

تعديل من خلال WPS Office

الله معاك شديد

فاكر خلاص إنك وحيد بت حوا ما ولدت سواك
كلما صباح يشرق جديد في كل حي ترمي الشباك
رسالتي في الخاص والبريد أختاني والله معاك شديد

خليتني في حسره وندم استعوض العمر اللي فات
نوسرتا جرحي وزاد ألم وحوح نzf وكثافتني جات
يازول مستف بال—وهم أختاني والله معاك شديد

نهر الخداع مهما جرى ما أظن بك—ون ليه—و المصب
قلبي الرهيف يادوب درى جمبك بكون ريشه في مهب
من غير تعنت—ت وافت—را اختان—ي والله معاك شديد

2012/8/21



XXXII

تعديل من خلال WPS Office

أنا عافي ليك

ما بسالك
رغم الجفا وعدم الوفا
وفانوس هواك الإنطفا
واكثر كتير الفي الخفا
ورغم انو قلبي
اليوم هواك
من جور لماك تب اكتفي
ما بسالك
رغم الجروح الغورت
وزيف الوعود الطولت
ما بسالك
كان انتا حر انا برضي حر
باكر سراب ريدك بمر
ما ببقني في حلقومي مر
لا بعيش معاي طول العمر
وانا قلتنا ليك .. ما بسالك

لملم سراب ريدك وفوت
ذكراك جواي بكره بتموت
انا عافي ليك حقي عليك
ومهما حصل
هاك المفيد المختصر
خليك عنيد
ظلم البشر ما هو الجديد
انا قلتنا ليك ما بسالك



2015/5/26

أنسى وعيش

أنسى وعيش اللحظة الحـلـوه
ومـا تسـتـسـلم لي أحـزانـك
الله الخلقـك , خلقـك طاهر
أبيـض نـاصع كـل وجدانك
كل أسباب العيشه الهـانـيـه
مخلـوقـات مخصـوص علـشانك
لـو حـاتبنـي وتهـدم تـانـي
مـا حيتـم فيـي ووم بنـيـانـك
أنـسـى وعيـش
حـولك مـويـه وخـدره بهيـه
ووجـه صبـوح بيقـابلك بـاسـم
برضـو بـلـوم وكنـار بيغـرد
تـهـدال حـن نـاظمـاهـو حمـايـم
أطيـار ريـد بتـغنـي لحـونك
شـان مـا تعـيـش فيـي كـون مـتـناغـم
وإتـمـتـغـأبي جمـال الدنـيـا
حـاضـن همـك وعـامل نـايـم ؟
أنـسـى وعيـش
أضـرب همـك يـوت بالفـرحـه
وأطـرد غمـك مهـمـا كـان
تصـبـح , وروح النـوح مـنشـرحه
بـلـبـل شـادي وطيـر طـربـان
بـوم الحسـره يغـأدرك يمشـي
يفـارق دربـك , يشـوفـلـو بـكـان



ويصـبرـح كونـك هـاشا¹ ، بـاشـ¹
ومـا حا تكون فديـوم أسيـان

2014/7/3

بت بلد

عايزك كده
ما قلنا ليك اتغيري
ما تبدلي الحال عليك
انا بين صحابي بياهي بيك
سمره وموشحه بي الجمال
فتي القمر في الاكتمال
هو منو اللي قال
إنو الجمال في اصلو لون
وانو البياض سحر العيون
وعلى العموم انا قلنا ليك دايرك كده
سمره وعزيزه و بت بلد
بت ناس كرام واهلك عمد
سمح الخصال ماسكك عدد
درويش بقول مدد .. مدد
فيك الجمال ما عندو حد
وانا دون هواك مكتول كمد
بس يا مناي عايزك كده
اوعاك تغيري خلقتك
تمشي ف تياب ماها اللتك
السمره هيلتك وحققتك
ما تغشي نفسك وذمتك
وانا اصلي من شفتك كده
ولسع بقول عايزك كده
ومحال اشوفك غير كده

2015/ 7 /21



XXXV

تعديل من خلال WPS Office

التَّبَرَّ السَّبِيكَ

الْبَحْرَ شَاكَ

صَفَى

صَقَّقْتَ امْوَاجُوَ

مَنْ تَرَحُّبُهُ بِيَّكَ

السِّمَّكَ تَطَطَّرَ فَرَحَ

مَنْ غَيَّرَ سِنَاتِيَّزَ أَوْ شَبَّكَ

بَيْشَابِي يَمَثُلُ بَيْنَ إِيْدِيكَ

اتْرَصَى مَحَارَوْ وَصَدَفَ

بَقَى لِيكَ عَقْدَ

وَإِذَا فَيَّكَ

وَالْحَلَهُ وَقَقْنَلْكَ صَقُوفَ

تَشْوَاهُ

فَرَحَهُ تَغْنِي لِيكَ

أَنَا وَأَنْتِي وَالنَّجْمُ الْمَسِي

تَنْلُمِي فِي ضِيٍّ مَنْ وَشِيَّكَ

تَلْعَبُ شَلِيلُ أَوْ كَمَبَلْتُ

أَوْ حُجَلَهُ

يَا التَّبَرَّ السَّبِيكَ

2015/ 3/ 3



XXXVI

تعديل من خلال WPS Office

من يـاتو كوكب ؟

بسـ أـل الشـهـد المـعـلـبـ
إنتـا جـيـت من ياتـو كوكـب
كلـمـا لـاحـت وسـامـتـك
تـنـتـشـي الأـنـسـام و تـطـرب
و كلـما شـفـت ابـتـسامـتـك
فـي عـيـونـك بـلـقـى مـهـرب

إنـتا جـيـت من ياتو كوكب ؟

حت بنـات الحـور بـغـيـرن
من رمـش مخـلـوق مـكـحـل
و الغـزال مشـدوه تسـاعـل
عن قـوام مـمشـوق مـجـذـول
غصـن بـانـا وطولـو فـارع
وفي الخـطـاوي رزـين مـمـل

إنـتا جـيـت من ياتو كوكب ؟

كنـا عـطـشـانـيـن وحـاتـك
من معـينـك تب روينـا
الخـيـل بيناتـنا سـاعـل
للـفـرح يـوم جـيـت رجـينـا
يـا بـدر طـلـل و غـشـانـا
زـيـد في حـبـلـك وإحتـوينـا



2013/5/26

برنامجك شنو؟

وريني برنامجك شنو
شان عندي نيّه أمر عليك
أنا داير أجيك وإتوتسك
وأقعد معاكا وأحكي ليك
شان إنتا منديل دمعتي
وطوالي دي المحريّه فيك
وريني برنامجك شنو ؟
كلّ المآسي اتجددت
وجروحي تاني بدت تفيض
أرقد علي فرش الأمل
ويصبح صباحي على النقيض
أنا قلبي من نوحى انفطر
ورويحتي نزلت للحضيض
وريني برنامجك شنو ؟
أنا زول دواي في طلتك
بالشوفه بس بصبح نصيح
وإنتا البتعرف علتي
وتشفيني من هذا الوحى
أكمه بدونك يا طبيب
وإيدك متل مَسّ المسيح
وريني برنامجك شنو ؟

2014/8/14



XXXVIII

تعديل من خلال WPS Office

بسيبني معاك

مالي سواكا حبيب
لا يوم بحب بعدك
وأنا سعدي في الدنيا
يا غالي يوم سعدك
كل همي أحيا حذاك
أوفيك وابر وعدك
واشتل حقول الريد
سور واقى ضد بُغْدَك
وما لي سواكا حبيب
عينيّ ولا بتشوف
غير طرفك المكحول
إحساسي حاني عطوف
ملهوف عليك وعجول
ألقاك وأسببني معاك
وأنا ليك بعيد القول
روحي بتلبي تطوف
ميقاته طول الحول
ومالي سواكا حبيب
في الدنيا إنتا وبس
مالكني بي الإحساس
وقيتني حق الريد
وكفيتني كل الناس
خضرتا فيني البيد



حاويتني بي متراس
ضد الحسان والغيد
والغاوي والوسواس

2014 / 1 / 31

بوعدك

أنا بوعدك أفضل معاك
زي ما أنا واحد صحيح
لا بنقسم
لا يوم بقل إحسائي بيك
لا يوم بمل من طلتك
وانا بوعدك
أبقاك زي
ما بتبقى لي وفي وأمين
وانا ماني سيد وعدا ضنين
بملاك حنين
واحفظ حقوقك فرض عين
وانا بوعدك
ادخل مسام
شوقك نسيم واتخللك
اتحكر الوجدان ألق وانا فيك مقيم
ساكن معاك
سيد حق عدل ما بي الإيجار
أنا كلي ليك
طول عمري ما بيخل عليك
بتماهي تب في حضرتك
ووجودي جمبك مستديم
وانا بوعدك

2013/ 12 / 21



XL

تعديل من خلال WPS Office

تنساني كيف ؟

تنساني كيفن يا الحبيب
تتغابي فيني المعرفه ؟
وأنا كل ما دق القلب
بزداد محبته ومعرفه
أنا ما بسيب ريدك وأفوت
إتحاشي سكتنا الزمان
لو حتى أفنى وراك اموت
غير سكتك مالي أمان
أنا شان هواك بقنت قنوت
تجمعني بيبك عالي الجنان
أنا ريدي ليك ثابت أكيد
ريدي خالي من الظنون
في كل حين برى ويزيد
تابع خطاك شقيق تكون
أبيض وناصع في البياض
ما بخالطو أبداً أي لون
إخلاصي ليك ما بتوصف
وأنا ليك دوام صادق وفي
أنا ليك وبيك بحيا وأعيش
حين تبقى لي تلقاني في



حبك يمين باقي لي زاد

2017/6/15

هجران

طليت علي طال العمر
لوّنتا ليل البوح سمر
كم مره شلنا الليل غنا
وساهرنا لي وش الفجر
اهديتني احساس بي الامان
عودتا عيني السهر
عيشتني الحلم الجميل
وكتبتا فيني الشوق شعر
يا الكنتا ما بتمل غناي
الليله امرك ما بسر
فجاه وبدون سببا وجيه
قلبتا لي ظهر المجن
قفيتني ما لاح لي زهر
يا الكنتا غرقان في بهاي
فارقنا غضيت البصر
وبقيت وراك ابكي وانوح
حتحتا اوراق الشجر
ضأقت علي دنيا البراح
حزنا عليك قلبي انفطر
ناديت عليك رد الصدي
وفتشتا ما لقيت ليك أتر



عددتا في الأعذار كثير
لكني ما لقيت ليك عذر
كمل رصيد الريد خلاص
ولا الطريق اصبح وعر
وريني ايه البدك
خلاك تهجرني وتفر ؟

29/ 11 /2013

حاجه ما بتخلص

جي-ت يا حبيب عش-مان
هدب-ك-ي-ك-ون ضلي
كح-ل هواي عين-ي-ك
حب-ي الرق-ي-ق خ-لي
لو ب-اق-ي بس لحظ-ات
ف-ي عم-ري م-ا بخ-لي
ما الروع-ه ما بتتف-ات
ي-ا ح-اج-ه ما بت-خل-ص
ق-در السم-احه ال-في-ك
جي-ت حاري جيت عشان
داي-ب م-كس-ر في-ك
ف-ي ع-ودك اب م-يس-ان
لادن الطبيع-ه رطي-ب
ما بيع-رف الدب-لان
والحكم-ه ل-ي-لو سبي-ب
ج-د حاج-ه ما بتخلص
طيب-ه وخص-الا في-ك
قسموه-ا ليك-ا ب-راك
غيم-ه وسح-اب ورذاذ
شق-يش تم-ش ت-براك
من السم-وم والح-ر
ساع-ة الهجي-ر تحواك
ياغ-الي ي-ا أسم-ر



ي-ا ح-اجه م-ا بتخلص

2008/7/27

خايف من عيوني عليك !

خايف من عيوني عليك
يلخبطو ليك حساباتك
يجهجهن الرزانه الفيك
تتوه بي الرجفه خطواتك
لا تعرف عليك لا البيك
ولا تستحمل الجاتك
وخايف من عيوني عليك
لسانك ينعقد دهشه
ويبلغ حتى كلماتك
يلف كونك يدور حوليك
وتضهب في متاهتك
تخش في هدمك الحاويك
تغيب حتى من ذاتك
وخايف من عيوني عليك
دحين يا سيدي اتصبر
وجفف كل مساماتك
وشوف بستانك الخضر
ودندن لحن غنواتك
وخش بستانك الازهر
قبل تلقى القطر فاتك
وخايف من عيوني عليك



تقطع حبل أفكارك
تلعنم لهجك الحالي
يحن قلبك علي حالك
تضيع في الزحمه آمالي
فيا الخاتيني في بالك
قول: فال الله' ما فالي

2013/2 /9

قائمة وصالك

انا كان دلقتا عليك مداد
كان كل كون الريد وقف
تعظيم سلام حياك
وبي حسنك أشاد
بس
إلا حرفي حرن عدیل
قاموسي مكتوف بي العناد
قال اصلو ما ممكن يطول
قائمة وصالك وروعتك
عاجز وقف
من دون يحقق لي مراد
شان انتي فوق كل الحروف
مخلوقه من طينة الفرخ
معطونه في موية الورود
تريانه بالحن والوداد
سبحانو ربي الجمك
أية جمال وغرس جواك
كل الخصال
واووالي قد حان الحصاد !!



XLV

تعديل من خلال WPS Office

2018/5/21

برق لامح

تعال نفتح بلاغ في زول
ولا قدر مشاعرنا
بنهديلو الفرحة زهرات
ولا فكر يعبرنا
نساھر ليلنا في الآهات
ونصبح
نلقى جأھلنا
نحاصر فيھو بالنظرات
يفوت فينا ويغبرنا
مقفّل كل قزاز الشوف
وعامل ديمه زول رايح
ما بخليلنا شوف العين
بيعبر زي برق لامح
ولا بنعرف متين مرا
ترك اثار شذا الفايح
حرام يا انتا بس نظره
وما تشحتف رويحة الشوق
ولا تسيب القلب ينتح
ويتلف علي المعشوق
فما شبھك جفا الاحباب



وات مسكون محنه وزوق
ارضنا الخصبه بتناديك
تعال شتتلها الماروق
شان تنبت عشق اخدر
وكت حنك يصير واسوق

2011/3/27

حاشاك الفلظ

مسامحك قبل ما تغلط
وحاشاك الغلط إنتا
بشاركك لما تتألم وإتبسم إذا بنتا
عليك بفرد وشاح الحن
واتنسم عبيرك فل
يا واحة هوى العشاق
دوام بلقاك وريف الضل
أوتس فيك شذى الأنسام
وانسى حداك مرار الذل
تشيلك بؤرة العينين
وتبقالك رموشي غمام
يدسك من هجير الصيف
يههب فيك عبير أنسام
ويصبح ليك إذا أمسيت
ينور ليكا بدرو التام
معاك ساعة الزمن
بتمر ثواني سريعه
مهما كان
بتخجل من سنونا دُر
تحاكي اللولي و المرجان



ومعذور الزمن لوشاف
كمال الخلقه والإحسان

2016/6/22

خصالك تحيّر

قوامك بيتعب خيال القصايد
بيسرج قواعد الكلام الفصيح
خصالك تحيّر مباني المعاجم
مراده بيقصّر ويصبح شحيح
جمالك يطوّع شروح العبارة
ويقلب حروف الهجا لي مديح
يجوط الفصول حين يغير مساره
ربيعا وخريفا وشتاها أبلفيح
يبدّل مبادي الحساب والقواعد
نتيجتك مؤكّد هي واحد صحيح
قوامك بعدّل شروط الملاحه
بتصبح في كونك براك المليح
ولا ممكن ابدأ ابارح مدارك
ولا وشي عنك بيقدري شحيح
بقولا وبردد عبارتي الصريحه
نضارك بيشفي الفؤاد الجريح
وتفلك بداوي النفوس العليله
وايدك بتشبه ايادي المسيح
فكيف ياخي تطلب اقابل ابتسامتك
بدون اي آهه وبدون الوحيح



ويومي الببارح وافارق ديارك
بسوي المناحه واشيدك ضريح

2019/6/14

منديل رضاك

هَمَسْتا ليك بي كلمتين ..
ما زدتَهن !!
ضجَن عويناتك فرح
كونك توشح توب مَرَح
إتبسَمَن خديك ورود..
والباقي مِن ذاتك سرح
وأنا فيك سَرَح ..
مدَّيت عيوني قطفتهن ..
ندهتا ليك مِن غير حرف
وأنا بعترف !!
نبضات هواء سمعتهن
حين ناغمني أجبتَهن
شُبَّيك ولبيك يا هَناي
مَرَضِي ودواي
غاية مُرادِي ومُبْتَغاي
أنا كُلِّي ليك ..
وفي اللحظة ديك
إغرورقت عيني دموع
قَبال يسيلو حبستهن



XLIX

تعديل من خلال WPS Office

مديتي لي منديل رضاك
مسحتهن
وضحكتا ليك ضحكة رضا
بالفرحه ضاق بي الفضا
من ثاني عاد فيني الصدى
وهمستا ليك بي كلمتين .. ما زدتهن ...

2009/ 9/17

سه-ام عينيك

بخاف تنفك
سهام عينيك
تلخبط كل حساباتي
أذوب في حضرة الحضرات
وموج المارد العاتي
أتوه بيناتم الاتنين
وأصيف في زمن شاتي
دحين يا سيد هواي الزين
تعال جهجهني يوماتي
بخاف منك وبرتاح ليك
وسط موجك بكون مرسي
يفيض بحر الحنان الفيك
ينببت في الحنايا هواي
يدوزن في منابت الروح
حروف اسمك تكون مغناي
أتابع نفسي والأحاساس
اكون طوالي رايح جاي



آسف جدا1

انا آسف جدا
لو اقلقت منام
إهمالك بي
الأشواق
وآسف اكثر
لو خليت جمرات
الشوق
تحوالك بلهيب
يقلق نسيانك
بي التحراق
وآسف جدا .. جدا
لو حرشتا قلبي عليك
خليتو في لحظه يكون تاواق
بي خرم الذكرى يهاتي بيك
ويكورك ليك
ويوصل فكرة
اني امبارح وهسي وبكره
بظل كاتلني



عدیل
ا
ل
ش
و
ق
یاخ مشتاقین
وصباح الخیر
یا ناس
یا ذوق

2013/3/14

قَدْر نیتک

من صرخة وجودي الأولى كَت سیرتک تملي بعی-ده
كُت راسم إطار للص-وره متضمّن م-زاي-ا عَدیده
ي-ا مالي-ه الدواخ-ل غني-ه ي-اف-رح اللي-الي وعی-ده
أهل-ك من قدي-م ورون-ا ق-الوا ال-ني-ه زام-لة سي-ده

إكتمل-ت ملامح الفرح-ه طلع-ت من ج-واي تنهیده
رسمت في الدواخل لوح-ه ما م-لّ القلب-ب تمجي-ده
حكّمك فيني مابرضاه-و غير یصبح سجن تأبیده
ي-ا اكبر عشم جوايا اصل-و النی-ه زاملة سی-ده

أدیت-ك عمی-ري هدی-ه دوزنتك جوايا قصی-ده
دندنت-ك حجي-وه وغنوه سیرتک ما بمل تردیده
ختی-ت الیقي-ن في قلبي رقصتا الحنايا سعیده
والحكما الزمان خت-وها قالوا النیه زاملة سیده

مین ق-ال الغرام بتلاشی في لحظه بیكون تعویده
مت-وسد جوانا وما فی م-ا بیقدر غزالتو یصیده



مكتوم صوت كنار جواهو عصفورتو بيغوص تغريده
والحب كيف بيصبح ذكره دابما النيه زاملة سي-ده ؟
الدنيا العبوس إن صرت بالحب والهي-ام بنسيده
في دنيا الغرام ارواحنا تق-ابة الح-واس ومسيده
والداير الجمال بلقاهاو في الطاهره الخصاله فريده
صقوها النوايا سليمه دابما النيه زاملة سيده

2012/ 3/27

صافيه لبن

البيني وبينك .. صافيه لبن
يا زول بي الجد أنا ما زعلان
أوعانا نطش في درب الجن
ونفتش يوم هو منو الغلطان !
يلاكا نحكم حسن الظن
ونهش في وش سحب الأحزان
سكنتك جوه صميم القلب
وسكنتا معاك عمق الوجدان
والبيني وبينك صافيه لبن
الدنيا ملانه جنس عزال
لو قلنا نباريها بنتعب
يلاك نتوشح حسن الفال
خليهو الحاسدنا اليتعب
نتساقى محته وريد و وصال
والجاني يكون شرب المقلب
والبيني وبينك صافيه لبن
خلينا نحير حاسدنا
شان يفهم تب ما عندو مجال



ويغير رايو القاصدنا
ما يرجع لي نفس الموال
ويحاول ثاني يكايدنا
ويغير سير سكتنا شمال
يلاكا نغني قصايدنا
نتساقى كؤوس الريده زلال
ونحقق كل مقاصدنا
بي البينا الاصلاح عال العال
والبيني وبينك ... صافيه لبن

2012/ 1/ 14

زمن قاسي

حاولتا إتناساك
لكتي ما قادر
غلبت علي ذكراك
في الماضي والحاضر
يا حبي ما أبهاك
دايما معاي حاضر
وما لي وكت بهواك
غير بس أقول حاضر
لولا الزمن قاسي
ما كان جبرني أفوت
أو أبقى متناسي
لي الفيني صورته وصوت
العامرو إحساسي
وجوه الفؤاد محفوت
لو إستطيع أنساه
في يوم اخيرلي أموت
طبع الأهل مرات
ميال علي البوبار



LIV

تعديل من خلال WPS Office

زي ناس فلان وفلان
سكة ضياع و ودار
خلوني يا خلالي
تايه درب محتار
من وين أجيب دولار
أرضيبو ست الدار ؟

2012/ 3 /7

ل-وم-ك علي

لومك علي
لو سبت روجي تهاتي بيك
أو حتا اذكركتا يوم
أنا كنتا بعشيق مقلتيك
أو راودك إحساس هواي
تسمحلي امثل بين إيديك
لومك علي
لو يوم لقيتك في الطريق
ونويت أبادرك بي السلام
أو إصطفيتك لي رفيق
وبقيت ابادلك كاف كلام
أو حتا قلتا عليك صديق
وفردت ليك وشي احترام
لو سبتا طيفك زازا بي
لو حتا زارني علي المنام
لومك علي
لو ساقني ليك مركب هواي



LV

تعديل من خلال WPS Office

رسانې في هلب اشتهاك
إشتقتا ليك .. او قلتا ليك
يا مبتغاي ..
أنا مبتغاك
وعزفتا ليك مزار غناي
غنّت معاي اطراف لهاك
وفردتا ليك من حن غتاي
ورجعتا ليك
صدقني لو كان يوم حصل
ده أكيد سببو الوحيد
حايكون غباي
شان تاني ارجع واشتهيك

2013/ 8 /5

زهره وزهره

(شفتا الزهره بي ريده
بتسقي ندايده بأيده) *
مدوزنه وقفنا الالخان
مقاطع يحلو ترديده
ونفسي اتشبعنا انسام
خلاص الليله يوم عيده

زهره بتسقي في ازهار
وجاته فراشه نشوانه
توشوش خصلتين شاردات
تصفق فرحه تريانه
ونحنا ضهنا بين اتنين
عطشنا وزهره نديانه

دي زهره بتسحر الازهار
ونغمه تحير الاوتار



LVI

تعديل من خلال WPS Office

هفن واتلمن الاطيار
واتهادن بلوم وكنار
ده منظر بختف الانظار
يخلي قليبى موقد نار

* المطلع هديّة من أستاذي الجميل الشاعر/ عبد القادر جميل

2017/ 1 /8

دنجان

خاب ظني فيك انا من زمان
ماكنتا مفتكراك كده
غشيتني بي حبة حنان
وجفاك حقيقه مؤكده
ما كنتا فاكراك دنجان
تخفق مشاعري وتخمد
آه.. يا خساره طلعت جان
والريده ما بتقبل كده
وما كنتا مفتكراك كده
الريده من طرف اللسان
مافي القليب متوسده
والضحكه ما من الجنان
جئه وبتمرق هامده
تسقينني من زيفك دنان
تهرب مشاعرك شارده



لا بتعرف الريد المصان
لا حت مشاعري تهدده
وما كنتا مفتكراك كده
انا ياخي علمني الزمان
ما ابقى ليك رجع الصدى
وما برضى لي ريدي الهوان
وجروحي تبرا تجدده
الليله اطلقتا العنان
وبقولا ليك وباكده
كل المدسدس فيكا بان
وما كنتا مفتكراك كده
لملم حواليك الحسان
ما تخلي شارد و وارده
وأنا قلت بي الفم الملان
الريده ما بتقبل كده
وما كنتا مفتكراك كده

2015 / 6 / 30

خالف رجلك

مره لقيتك
قاعد تضحك في جوايا
وخالف رجلك
ما البيت بيتكم
إننا لأمر وناهي وسيدو
وياك معشوقي الكلي بريدو
كت متهيب
وفاكرك زول من عالم ثاني
إلا لقيتك ..
ياك الزول اليدي الروعه
معاني الروعه
بيدد جنح الضلمه الفيني
ويوقد شمعاه
ويمسح
بي منديل الحن الوافر
لو في الخد يوم سالت دمعاه



وياك الزول المالك عقلي
مزاحم دمّي
ويوت متحكر في وجداني
وياك الزول .. الزول الفرحة
الशल من ضي البهجه الفيهو
وقام اداني
رشرش طلّ الحن جوايا
ونبتت قمحه
وزّع لي ود عيني بهاو
دوزن وترو علي الحاني
غنى ودوبا بصوت مزماري
وعزف كم-اني
وده الخلاني.. أذوب في داخلك
وإت متحكر خالف رجلك
ومالي دواخلي

2014/ 5/ 18

عيونك منصرف

أروع مئتَدَى الفيهـو المنـصـه عيونك
بـاراك الخليـل ضمـن عَرُوضـو لـحـونـك
شان أصـلو الشـعـر ما بيحلى أصـلو بـدونك
وأنا إحـسـاسـي بيـك ، ترديد صداهو بصـونك
دوزانـة الحـروف أنا في الغـرام مأمـونك
والحـرف الشـفـيـف لو خـان رويحتو بـخونك
يـا سـت الحـسـان دابـما المحاسن دونك
إيـه معـنى الغرام ؟ كيفـن يكون من دونك ؟
ده التـبـر السـبـيـك شـايـلو هـيـن من لونـك
والعـسـل المـصـقى ، مبدأ وجـودو فنـونـك
والكـرم الأصـيـل بتـعـيـن مـن مـاعـونـك
يرعـاك الكـريم ويـكون دوام في عـونـك
معروف المـحـلق تـاجـوجـو من مضمـونك
وبيـنات الخـلـوق بـتـقـال عـلي مـجـنونـك



LIX

تعديل من خلال WPS Office

جنّ الريد صَعِيب، وأنا جنّي عَطَى جن-ون-ك
ما أسعدني بي-ك وأنا حُر طليق في سجونك
لو ماه-و الم-لام ، كان بدري زرت حصونك
بس عهدي المع-اك ، أفض-ل ح-داك وأصونك

2019 /3/26

بت .. بت

بت بتجسد معنّى الدهشه
ما بتمل في لحظه حضوره
بت بتنقط غسل الريده
إلا وحائك .. ما ماسوره*
بت بتنور نور الحله
تخلي السوح بي البوح محصوره
بت بتحلي العسل الجبلي
وفيها فضائل الناس محصوره
بت بتلون كل حياتك
وفيها رسائل واضحه سطوره
بت بتفطر لمن تظهر
ترشق كل الحي بي عطوره
بت بتنبت بستان عشقك
يصبح جنّه جميله زهوره



LX

تعديل من خلال WPS Office

بت بتفرح معنى الفرحة
تمرق كل الناس عن طوره
بت بتكمل كل نواقصك
بس.. بي تواضع ما مغروره
بت بتخاوي بنات افكارك
بالانسان والرقه الفوقه
بت بتخلد جيل حبوبه
بالتحنان تلقاكا شفوقه
بت بتوزع لي اقرانه
وللجيران في الحي من ذوقه
بت بتطمن ناس الحله
لامن تشلع ضاويه بروقه
بت بتوشوش اعصاب حسك
زي النسمه بتهدي الروقه
بت بتطوف في محرابك
شايله السبحه مع التبروقه
بت جنينيه في توب انسانه
أو انسانه في توب جنينيه
يوت بتعبر ليك عن شوقه
بت بتلمح ما بتصرح ما بتوري الناس
معشوقه

بت مربوطه بايقاع حسك
شان مريوقتك وإت مريوقه
بت بت موجه في واسع بحرك
كلما تسوق الموج بتسوقه
بت بتقدر دايمًا سعرك
انتا الاغلى في ساحة سوقه
بت بتباري جداول موجك
اصلو محال تطلع من طوقه
بت بتحبك ما لا يوقه
بت بتونس فيك الفكره
تظهر فيك أشعار وقوافي
بت بتجمع أحلام بكره
بالتحنان والحضن الدافي
بت بتطمن أعصاب حسك



عز الموج تبقالا مرافي
بت بتوزع بسمات شوقك
للجيران سلامات وعوافي
بت يوم تبقى أمامك مافي
إننا وحسك تصبحو مافي

- ماسوره لا علاقة لها بالمصطلح الشبابي الحالي ولكنها مأخوذه من أن الماسورة بتنقط .

تحياتي لأخي الشاعر الأستاذ / أبوبكر الجنيد يونس فلعل هذه البت العصفورة قد أخذت ملامحها من بته (الشريه

17 / 7/ 2014

العين بتفضح

لسه داسه الفرحة فيكي
وعامله رايعه
خايفه تطلع كلمه منك
تفضح المدسوس مفتغت
جوه جوه الجوف مخبا
ناسيه انو العين بتفضح
لما تضحك
ضحكه تشرح كل حاجه
تحكي كيف الجوف معبا
حب وريده
تكتبك جواي قصيده
واحتفي بك يا نسيمه



لما القاك جوه قاعده
حاجزه ليك في الجوف منصفه
خالفه رجلك وقاعده تحكي
كيف بداية ريدنا كانت
وانتي ساكته ولا بتردي
والمسافه البيني بينك
ما بتزيد عن مدة ايدي
وانتي قاعده
وزي كانك ماكي قاعده
لا بتجيبني ولا بتودي
زي مكتف ريدي قولك
وبي حنان بتزيدي ودي
اصطفيك جواي وادسك
شان جواي ممكن تردني وتسعديني
وتسعدي القلب المستف
وريدي ما ممكن تصدي
يا سعاد ب الله روقي و سمي الله
جواي اقعدي !

2017 / 10 / 20

ناكر النعمه جاحد

قبل ما تميهو نضمك
كل طلباتك مجابه
تلقي ايدي يا حبيب
أسخى من واهل صحابه
شان هواك يا الحلوه نعمه
حامدو رب القدره جابه
وأهدى لي تحنان ورقه
ألف مرحبتين حبابه
القرين بيكوس قرينو
وما بيحب عيشة الرتابه
الينال الحظوه يسعد
يعزف العود والربابه
يبقى زي عصفور مغرد



يطرد الهم والكآبه
في زمن مليان مهازل
زي كأنو الدنيا غابه
قولي قولك دون تردد
تلقي مليون إستجابه
ما البحب پسعد حبيبو
وما في في الموضوع غرابه
شان رباط الريد ممتن
واقوى من صلة القرابه
واصلو ناكر النعمه جاحد
قلبو عن الريد تغابه (ى)

2020/8/24م

طينة السنا

عارف إني أزعجتك
وكت كشكش ورق شعري
أقلق في المنام عينيك
واتجاسر حرف نظمي
ومن عز المنام صحاك

عارف إني أزعجتك
وكت فرّ القلب مني
هجر ضلعي وسكن جواك
بكت نبضات شفيف حثو
وحيحن ما سكت لحظات
عزف اوتارو غنا غناك



عارف إني أزعجتك
وكت ود عيني فزّ حداك
وقف لحظات يبخلق فيك
رسم في لوح سوادو بهاك
رفع كفّ الفرحة حياك

عارف إني أزعجتك
وكت شرياني إتمطى
وصل حبل الموده لفاك
بقص من أكسجين الحن
وخالط بي دماهو دماك

عارف إني أزعجتك
وكت حلقومي إتشقا
نطق حرف السرور سمالك
كورك ليكي .. ما أحلاك
وحرّك بي حنينو لهاك

عارف إني أزعجتك
وكت طيف المحبّه غشاك
نفر عقلي الرشيد شتا
بقاك إنتي ليهو مدار
ودار حولك كما الأفلاك

عارف إني أزعجتك
وكت لحن التساقي شجاك
رقص قلبي الرهيف غثاك
غنيوه وحجوه لي سعدو
هجرني وصار تملي معاك

تبارك ربنا القادر
عجن طين السنا وسواك
سواك يا حبيبتني ملاك
فخليني اللعيش جنبك



وأكون حرف الولف جواك

2012/6/29

فيض تحنان

تصدقي !!
إني حبيتك
قبل ما العين
تلاقي العين
دي أول مره
في التاريخ
تكون الريده
بي الاضنين
وتبقى الشوفه
محضوره
وكت يتناضو
القلبين
وصدقي إني



حببتك
رقص وجدان هواي
نشوان
وكتين جاتني نغمة
صوت
ضحك وجه المحبه
وبان
واصبح بيك جد
مبصوت (مبسوط)
واتلفت وجيه صبري
يفتش ليكي في
البنوت
وصدقي إني
حببتك
صحيح هذا البراح
ضيق
بوصل لي الاضان
الхан
ويبقى قلبي
متهافت
يفتش كل مكان
ومكان
ويجمعنا الزمان
صدفه
مع اللادن فريع
البان
يفيض بحر الهوى
الدفاق
ويغمر قلبي بي
التحنان
وصدقي إني حببتك
قبل ما العين
تلاقي العين
دي اول مره في
التاريخ



تكون الريده بي
الإضنين

8 / 1 / 2017

غي الغرام

صليت العشق حاضر
و ريدك سبحة اورادي
ماسكو عدد عشم باكر
في الخربانه كان زادي
علي محن الزمن صابر
إذا رايح و إذا غادي
سعيد بي بسمه الفاطر
وبي الخد الاسيل نادي
وبي طلة وجيه ناضر
بجسد بليلي الشادي
مثيلو الفي الخلق نادر
حويتو نصبت اوتادي
وفيض نيل الغرام هادر



LXVIII

تعديل من خلال WPS Office

علي سهل الهوى الهادي
في غي الغرام سادر
قليب حدادي مدادي
مؤمل في الغد الزاهر
مصدق نقطة إرصادي
وريدي الفي العيون ظاهر
برق في محطة إسعادي

2020/10/11

سريان تيار

لو تسمححي
داير اتغزل فيك !!
واملاكي غزل
لي حد اضعنيك !!
ممکن أجرب ؟
أو أحسن ليكي
اعاين ساي
ما العين في العين
بترسل لي
إحساسي البيك !!
وإمكن تغنيك
عن أي كلام
بالحيل بعنيك !!
بس الإحساس



بتسرّب ليك
يسري التيار
شان يعبر بيك
حواجز القول
والقول هو القول
لو كان معقول
او
ما معقول
إلا الإحساس
أصدق مقياس
بيبتق في جواكي
قبول
ولو دايره القول
انا تاني بعيد
داب إتي بعيد
لو تسمحي داير اتغزل فيك !!
وما تكلمي زول !!
ولو تسمحي...
داير اتغزل فيك
لكين محتار !!
أبداء من وين ؟
يا شاغله البال
خلقه وأخلاق
كل الأقمار بتدور حوليك
زي الأفلاك
شايفاء ملاك
وأنا من جواي
شايفك إنسان
مخلوق من طين
تريان ومعبا
بأصل الدين
ماسكاهو طريق
لي أسمى خصال
يا زول صلصال
قربتي شديد

بس مافي كمال !!
من وين أبدأك
كل الأبواب بتودّي عليك
ما بس بابين
خلوني أطفئ
بين الأسماع
أو شوف العين
يا بت إمتاع
كاتلني سؤال
بسأل إياك
أو ناس تانيين
الكانو معاك
والبجو مارين
لو تسمحي
داير اتغزل فيك
لكين محتار
أبدأك من وين ؟

2014/10/15

لحن الخت-ام

انتظري بس
لحظة اردد
شوقي ليك
كلمات تلاقي واندياح
واتملّى في عينيك سكات
وسكاتي في قلبك كلام
نظراتي ليك بتفسرو
وتشرحني ليك
ما البيا اكبر من هيام
والنظره ليك مني السهام
ومنك سكات
احلى وارق من الكلام
صوتك هديل متل الحمام



او قول خريير جدول عشق
 امواجو نبضات من قليب
 بعزف معاي لحن الختام
 لي قصة اطول من فصول
 ودالمخلق يوم عشق تاجوج زمانو
 الهدهدت قلبو الرهيف
 لولايه والصوت الحنون
 خلاهو من النشوه نام
 في حضرة الريد والهيام
 انتظري بس
 بعزف معاك لحن الختام

2013/ 10/ 16

الفهرس

رقم	العنـوان	صفحة
1	تقـديم	
2	المقدّمه	
3	درب الريده	
4	قهقهة صوتك	
5	زولي الأثير	
6	روعه	
7	القات رشاش	
8	كلو بي أوانو	
9	قوقاي قماري	
10	مالك ومالي ؟	



LXXII

تعديل من خلال WPS Office

11	حبيبتى القصيده
12	خايف عليك
13	حليب الدهشه
14	شهقة ريد
15	أنا المحظوظ
16	هواي ريدك
17	جيوش الأميره
18	شايلك في خاطر
19	غلطان أنا
20	ما عندي ليك حاجه
21	ما يستنمحك
22	قدح الدبكر
23	فرصه ثانيه
24	إتفسحي
25	العيد بلاك
26	الله معاك شديد
27	أنا عافي ليك
28	أنسى وعيش
29	بت بلد
30	التبر السبيك
31	من ياتو كوكب ؟
32	برنامجك شنو ؟
33	بسيبني معاك
34	بوعدك
45	تنساني كيف ؟
36	هجران
37	حاجه ما بتخلص
38	خايف من عيوني عليك
39	قامة وصالك
40	برق لامح
41	حاشاك الغلط



42	خِصَالِكْ تَحِيَّرْ
43	مَنْدِيل رِضَاكِ
44	أَسْفُ جَدَا
45	قَدْرُ نِيَّتِكَ
46	صَافِيهِ لَبْنِ
47	زَمْنِ قَاسِي
48	لَوْمِكْ عَلِي
49	زَهْرَه وَ زَهْرَه
50	دَنْج-وَانْ
51	خَالِفْ رَجْلُكَ
52	عِيُونُكَ مِنْصَهْ
53	پَتِ.. پَتِ
54	نَاكِرِ النِّعْمَه جَا حِدْ
55	طِينَةُ السِّنَا
56	فِيضْ تَحْنَانْ
57	غِي الْغَرَامْ
58	الْعَيْنِ بَتْفُضَحْ
59	سَرِيَانْ تِيَارْ
60	لَحْنِ الْخَتَامْ

